

蔡筆農  
歐陽粹  
鄭陽卿  
陳德華

編著

五年制

專科學校

國

文

第三冊

達智書局印行

港台書室

Y194

20031

3

蔡歐鄭陳


筆陽郁德

農粹卿華

編著

五年制  
專科學校

國



文



達智書局印行

第三冊

# 編輯大意

一、本書凡七冊，一至六冊供五年制專科學校前三年六學期之用，末冊爲四年級全學年用書。

二、本書編輯之要旨，除爲增進學生閱讀、鑑賞與寫作之能力，尤盼望培植其人文素養、恢宏其器識；故依文學史及各種文體之發展（含現代文學），參酌各家選文，精選至情至性、文采優美及富思想啟迪之古今名文百餘篇，由淺入深，分置各冊之中。

三、五年制專科學校雖屬職業教育，然面對社會求才及各種考試之需要，亦殊迫切；故本書亦兼顧及之。舉凡預官考試之篇目及一般高中之重要課程，均網羅書中，不使遺漏。

四、本書爲顧及課程之淺深與變化，無法完全依照文學史之次序編排；然往往取相類之體裁並排，藉收比類闡揚之功。

五、本書每篇範文之後，均依序附「作者」、「題解」、「注釋」三項。「作者」欄簡述作者生平事功及著述；「注釋」欄注釋生字、難詞及典故；「題解」欄說明題意、出

處與背景，偶作論評。各欄均力求簡要精當，俾便講授發揮。

六、本書爲初稿，其未盡善處，必屬難免。今後當時加修訂，使臻完善。

# 五專國文(第三冊) 目錄

一、心理建設自序	孫文	一
二、國父百年誕辰紀念文	蔣中正	九
三、永遠與自然同在——追憶吳稚暉先生	蔣經國	二一
四、七月	詩經	三九
五、哀郢	屈原	五九
六、陶朱公	司馬遷	六九
七、蘇武傳	班固	七九
八、張中丞傳後敘	韓愈	九五
九、虬髯客傳	杜光庭	一〇五
一〇、醉翁亭記	歐陽修	一一七
一一、祭歐陽文忠公文	王安石	一二一
一二、肥水之戰	司馬光	一二七

一三、教戰守策	蘇軾	一四三
一四、西銘	張載	一五一
一五、大學章句序	朱熹	一五九
一六、瘞旅文	王守仁	一六七
一七、祭妹文	袁枚	一七七
一八、武松打虎	水滸傳	一八七
一九、唐五代詞選		一九五
二〇、古詩樂府選		二〇五
二一、菜根譚選	洪應明	二一七
二二、論短篇小說(節)	胡適	二二一
附：二漁夫	莫泊桑	二二七
二三、香蕉船(現代短篇小說選)	張系國	二三七

# 一、心理建設自序

孫文

文奔走國事三十餘年<sup>①</sup>，畢生學力，盡萃<sup>②</sup>於斯。精誠無間，百折不回，滿清之威力所不能屈，窮途之困苦所不能撓。吾志所向，一往無前，愈挫愈奮，再接再厲，用能鼓動風潮<sup>③</sup>，造成時勢。卒賴全國人心之傾向，仁人志士之贊襄，乃得推覆專制，創建共和。本可從此繼進，實行革命黨<sup>④</sup>所抱持之三民主義、五權憲法，與夫革命方略所規定之種種建設宏模，則必能乘時一躍而登中國於富強之域，躋<sup>⑤</sup>斯民於安樂之天也。不圖<sup>⑥</sup>革命初成，黨人即起異議，謂予所主張者，理想太高，不適中國之用。眾口鑠金<sup>⑦</sup>，一時風靡<sup>⑧</sup>，同志之士，亦悉惑焉。是以予爲民國總統時之主張，反不若爲革命領袖時之有效而見之施行矣。此革命之建設所以無成，而破壞之後，國事更因之以日非也。

夫去一滿洲之專制，轉生出無數強盜之專制，其爲毒之烈，較前尤甚。於是而民愈不聊生<sup>⑨</sup>矣。溯夫<sup>⑩</sup>吾黨革命之初心，本以救國救種爲志，欲出斯民於水火之中<sup>⑪</sup>，而登之衽席<sup>⑫</sup>之上也；今乃反令之陷水益深，蹈火益熱，與革命初衷大相違背者，此固予之德

薄，無以化格同儕<sup>⑬</sup>，予之能鮮<sup>⑭</sup>，不足駕馭羣眾，有以致之也。然而吾黨之士，於革命宗旨，革命方略，亦難免有信仰不篤，奉行不力之咎<sup>⑮</sup>也；而其所以然者，非盡關乎功成利達而移心，實多以思想錯誤而懈志也。此思想之錯誤爲何？卽「知之非艱，行之惟艱<sup>⑯</sup>」之說也。此說始於傳說<sup>⑰</sup>對武丁<sup>⑱</sup>之言，由是數千年來，深中於中國之人心，已成牢不可破矣。故予之建設計畫，一一皆爲此說所打消也。嗚呼！此說者，予生平之最大敵也，其威力當萬倍於滿清。夫滿清之威力，不過只能殺吾人之身耳，而不能奪吾人之志也；乃此敵之威力，則不惟能奪吾人之志，且足以迷億兆人之心也。是故當滿清之世，予之主張革命也，猶能日起有功<sup>⑲</sup>，進行不已；惟自民國成立之日，則予之主張建設，反致半籌莫展<sup>⑳</sup>，一敗塗地。吾三十年來精誠無間之心，幾爲之冰消瓦解<sup>㉑</sup>，百折不回之志，幾爲之槁木死灰<sup>㉒</sup>者，此也。可畏哉，此敵！可恨哉，此敵！

兵法有云：「攻心爲上<sup>㉓</sup>。」是吾黨之建國計畫，卽受此心中之打擊者也。夫國者，人之積也；人者，心之器也；而國事者，一人羣心理之現象也。是故政治之隆污，係乎人心之振靡。吾心信其可行，則移山、填海<sup>㉔</sup>之難，終有成功之日；吾心信其不可行，則反掌、折枝<sup>㉕</sup>之易，亦無收效之期也。心之爲用大矣哉！夫心也者，萬事之本源也；滿清之



顛覆者，此心成之也；民國之建設者，此心敗之也。夫革命黨之心理，於成功之始，則被「知之非艱，行之惟艱」之說所奴<sup>②⑥</sup>，而視吾策爲空言，遂放棄建設之責任。如是，則以後之建設責任，非革命黨所得而專也。迨夫民國成立之後，則建設之責任，當爲國民所共負矣，然七年以來，猶未覩建設事業之進行，而國事則日形糾紛，人民則日增痛苦，午夜思維，不勝痛心疾首！夫民國之建設事業，實不容一刻視爲緩圖者也。國民！國民！究成何心？不能乎？不行乎？不知乎？吾知其非不能也，不行也；亦非不行也，不知也；倘能知之，則建設事業亦不過如反掌，折枝耳。

回顧當年，予所耳提面命<sup>②⑦</sup>而傳授於革命黨員，而被河漢<sup>②⑧</sup>爲理想空言者，至今觀之，適爲世界潮流之需要，而亦當爲民國建設之資材也。乃擬筆之於書，名曰建國方略<sup>②⑨</sup>，以爲國民所取法焉。然尚有躊躇審顧者，恐今日國人社會心理，猶是七年前之黨人社會心理也，依然有此「知之非艱，行之惟艱」之大敵，橫梗於其中，則其以吾之計畫爲理想空言而見拒<sup>③⑩</sup>也，亦若是而已矣。故先作學說，以破此理之大敵，而出國人之思想於迷津<sup>③①</sup>，庶幾吾之建國方略，或不致再被國人視爲理想空談也！夫如是，乃能萬眾一心，急起直追，以我五千年文明優秀之民族，應世界之潮流，而建設一政治最修明、人民最安樂

之國家，爲民所有，爲民所治，爲民所享<sup>②</sup>者也；則其成功必較革命之破壞事業爲尤速尤易也。時民國七年十二月三十日，孫文自序於上海。

### 【作者】

國父 孫先生，諱文，字載之，號逸仙，籍隸廣東廣州府香山縣（據國父手書自傳）。生於清同治五年農曆十月十六日（今以國曆十一月十二日爲國父誕辰紀念日），卒於民國十四年三月十二日（西元一八六六——一九二五年）。三十三歲避居日本時，署名中山樵，後遂以中山稱焉。

國父致力國民革命四十餘載，創著三民主義，建立中華民國。四十六歲被舉爲首任臨時大總統。民國八年，改組中華革命黨爲中國國民黨。民國十三年應北京政府臨時執政段祺瑞之請，北上共謀國是，次年病逝。著有三民主義、建國方略、建國大綱等書。

中山先生大名，自倫敦蒙難，卽已聞名舉世。當其逝世之初，美國輿論推爲二十世紀初葉五大人傑之先知先覺。國人感其大德大仁，戴爲國父。平生傳記有十餘種。

### 【題解】

心理建設，卽孫文學說，爲建國方略之一部份，民國七年，國父作於上海。全書共分八

章，前三章以飲食、用錢、作文三事爲證，第四章以建屋、造船、築城、開河、電學、化學、進化等七事爲證，第五章爲知行總論，第六章論能知必能行，第七章論不知亦能行，第八章爲「有志竟成」。全書闡明「行易知難」之新學說，破除以往「知易行難」之成見，革新國人思想，藉以減少建設前途阻力。本篇爲書前自序。

### 【注釋】

- ① 文奔走國事三十餘年 清光緒十一年（一八八五），國父二十歲，入廣州博濟醫學校，在校識三合會首領鄭士良，組織秘密機關，開始革命運動。至民國七年，五十三歲，奔走革命已三十四年。
- ② 萃 聚集。
- ③ 用能鼓動風潮 以此能推動風氣潮流。「用」是「以此」之意。
- ④ 革命黨 國父於西元一八九四年十一月在檀香山組織興中會，一九〇五年六月在日本東京擴大組織爲中國革命同盟會，民國元年八月在北平改爲國民黨，三年六月在東京改組爲中華革命黨，十三年一月在廣州召開第一次全國代表大會。

⑤ 躋 登、升也。

⑥ 不圖 不料之意。

⑦ 眾口鑠金 眾人之言可以銷鎔金鐵，極言輿論勢力之大，謠言俗論之可怕。國語周語：「眾

心成城，眾口鑠金。」

⑧ 風靡 順着風勢而倒。引申作盛行、流行之意。

⑨ 民不聊生 人民無所恃以爲生。聊是賴之意。國策秦策：「百姓不聊生。」

⑩ 溯夫 溯，逆流而上，用爲追思往事之辭，卽回想之意。「夫」助詞，無義，或講作彼、那之義。

⑪ 水火之中 水深火熱之中，極言其困苦。孟子梁惠王：「簞食壺漿，以迎王師，豈有他哉，避水火也；如水益深，如火益熱，亦運而已矣。」

⑫ 衽席 亦作枉席。衽、席也。登之衽席，是置之安樂地方。

⑬ 化格同儕 感化矯正同輩之人。儕、是輩之意。

⑭ 能鮮 能力薄弱。鮮是少之意。

⑮ 咎 錯誤，罪過。

⑯ 知之非艱，行之惟艱 知道並不艱，實行才困難。義出尚書說命中篇，原文是：「非知之艱，行之惟艱。」

⑰ 傳說 殷高宗賢相。初隱於傅巖。殷高宗夢見傳說，求得之，與論治國之道，知其賢；於是作說命三篇，名之爲傳說。舉以爲相，國大治。

⑱ 武丁 殷朝中興賢主，卽高宗。在位五十九年。日起有功 每日振奮有成績。

- (20) 半籌莫展 束手無策。籌是策之意。按「一籌莫展」語本宋史蔡幼學傳。即一點辦法也無。
- (21) 冰消瓦解 像冰之消融，瓦片之破裂。五燈會元：「兒孫不是無料理，要見冰消瓦解時。」
- (22) 槁木死灰 枯乾之木頭，火已滅之灰。比喻毫無生意。莊子齊物論：「形固可使如槁木，而心固可使如死灰乎？」
- (23) 攻心爲上 攻心是以道德力量使人感服；上是上策。此語表明心理建設之重要。三國志馬謖傳注引襄陽記：「謖對曰……夫用兵之道，攻心爲上，攻城爲下；心戰爲上，兵戰爲下。」
- (24) 移山、填海 移山，暗用列子力命篇「愚公移山」故事。填海，暗用山海經北山經「精衛填海」之故事。愚公年九十決意移太行、王屋二山。精衛，海邊小鳥，常銜西山木石以填東海。此處用此二事以表最難之事。
- (25) 反掌、折枝 枚乘上書諫吳王：「易於反掌，安於泰山。」孟子梁惠王：「爲長者折枝，語人曰：『我不能。』是不爲也，非不能也。」此處用此二事以表最易爲之事。
- (26) 奴 名詞作動詞用，驅使、支配之意。
- (27) 耳提面命 不只當面囑咐，並且提其耳，使之牢記，謂懇切教誨。詩經大雅抑：「匪面命之，言提其耳。」
- (28) 河漢 比喻大而無當，此亦名詞做動詞用，即視他人之言辭爲大而無當。莊子逍遙遊：「肩吾問連叔曰：『吾聞言於接輿，大而無當，往而不返，吾驚怖其言，猶河漢而無極也。』」
- (29) 建國方略 國父所著，分三篇：一、心理建設，即孫文學說；二、物質建設，即實業計劃；

三、社會建設，即民權初步。

③〇 見拒 被拒絕。見是表被動之助詞，古文中於動詞上加一「見」字，動詞下即成爲被動之意。如「見殺」，「見棄」。

③① 迷津 渡水處叫作津，迷津猶言迷途、迷路。

③② 爲民所有，爲民所治，爲民所享。美國大總統林肯之名言。

## 二、國父百年誕辰紀念文

蔣中正

國父之誕生，上距孔子之生焉二千四百一十有六年，國父之所志，則以繼承堯、舜、禹、湯、文、武、周公、孔子聖聖相傳①之道統②爲己任。中正少讀孔子之書，曰：「大道之行也，與三代之英，丘未之逮也，而有志③焉。」既冠④，參加革命，獲侍國父，羹牆步趨⑤，幸而逮之。今距國父之生，忽忽遂已百年！國父祖述⑥湯武，弔民伐罪⑦，順天應人⑧；所倡導之國民革命，雖屢蹟屢起，未能及身告成，顧三民主義，一心物⑨，合知行⑩，通天人，贊化育⑪，明德至善⑫，光輝日新。大道之行也，舉天下之人，莫不景從攀慕⑬，而偃然嚮風⑭。

國父以三民主義，肇啟我中華民國，爲亞洲各民族開創民主自由之先河⑮，實不止求我一族一國之利益，而乃以繼絕世，舉廢國，扶顛持危⑯精神，以發揚我國民革命「天下爲公」之大道也。其後我國反抗強權侵略，堅持對日抗戰勝利，其結果，遂使亞洲各殖民地，數百年來被壓迫諸民族，皆得以相繼新興而獨立！近二十年間，我國軍民反共戡亂之

戰，前仆後繼，成仁取義，獨立奮鬥，屹立不搖，今且成爲自由亞洲之光明燈塔，此則又使我亞洲各國知所以存亡向背、自強自勉之道，而不至載胥及溺<sup>⑰</sup>者，蓋壹皆以踐行國父遺囑「聯合以平等待我之民族共同奮鬥」所致之效耳。是以國父不獨爲締造我中華民國誕生<sup>⑱</sup>之聖哲，實爲復興亞洲民族之導師，而又爲救人救世指引人類同趨於三民主義「大同世界」之先驅。

中正師事國父，時承「歷史之中心爲民生，革命之大道曰仁愛，仁者仁民，愛者愛國」之訓示，深悟三民主義乃在恢復民族固有之道德智能，發展現代日新又新之科學技藝，以其民主政治，全民建設，求得國際、政治、經濟上之自由平等，亦卽以其所愛，助天下人愛其所愛，於是而鰥、寡、孤、獨、廢疾者皆有所養也。國父更痛斥馬克斯共產主義，以物質爲歷史之中心，以仇恨爲其階級鬭爭之張本，以其所不愛，而賊其所愛之罪惡！蓋早已洞燭<sup>⑲</sup>共產匪徒，乃爲反民族、反民權、反民生，亦卽反人性，反倫理之邪說詭辯，殺<sup>⑳</sup>天下後世者之所爲！今共匪以其國際主義邪說，出賣我國家，危害我民族；以其階級鬭爭詭辯，奴役我大陸同胞，毀棄我歷史文化。嗟呼！大陸匪區，家室離散，父子相殘，率獸食人，人亦相食<sup>㉑</sup>，而我大陸同胞，其掙扎於匪共猛獸暴政之下者，顛顛<sup>㉒</sup>呻



吟，飢號凍仆之浩劫，蓋未有甚於此時者也。而國父臨終遺囑中所舉革命事業諸端——原在第二次世界大戰中所獲得之成果，今皆爲共匪之叛亂，幾瀕於中絕而盡廢！凡我愛國家、愛民族、爭生存、爭自由之全體軍民，自必以大義正氣，共同起而誅鋤此鴟梟，斬絕此惡魔，解除我大陸人民之倒懸<sup>23</sup>，以重建我倫理、民主、科學、三民主義燦爛光輝之中華民國，以告慰我國父在天之靈。夫暴政必亡，漢奸必滅，乃爲歷史不變之定律，故我反攻必勝、復國必成，自無待乎著龜<sup>24</sup>，此卽所謂「仁之勝不仁也，猶水之勝火」也。吾故曰：三民主義，率天下以仁，而民從之！共產主義，率天下以暴，而民不從！此三民主義所以闡堯、舜、禹、湯、文、武、周公、孔子之正傳，而又爲我中華民族不偏不易<sup>25</sup>，中和位育<sup>26</sup>，繼繼繩繩<sup>27</sup>之道統也。

中正違侍 國父，至今已四十有一年！然國父平居所以詔示中正者，曰：「天下之事，其不如人意者，固十常八九，總在能堅忍耐煩，勞怨不避，乃能期於有成。」曰：「當從艱苦中去奮鬥，百折不回，以貫徹革命黨犧牲之主張。」曰：「當練一支決死之革命軍……我必導之去以一攻十，以一攻百也。」國父北上，道經黃埔<sup>28</sup>，則曰：「黃埔師生，其努力奮鬥如此，必能繼續我之生命，實行我之主義。」當英士<sup>29</sup>之死，國父則以